

30 kanak-kanak Tadika sertai Program 'Juh ke Sitok'

BINTULU: Seramai 30 kanak-kanak dari sekolah Taman Didikan Kanak-kanak (Tadika) sekitar Bintulu mengikuti Program 'Juh ke Sitok' yang berlangsung di Perpustakaan Universiti Putra Malaysia Kampus Bintulu (UPMKB) di sini, baru-baru ini.

Menurut satu kenyataan daripada UPMKB, program yang diadakan selama setengah hari itu dilakukan bersama murid-murid cilik berusia lima hingga enam tahun.

"Antara sekolah yang terlibat ialah Tadika Bestari, Tadika Hikmah dan Tadika Sedidik Bintulu.

"Program yang dianjurkan bersempena Ceritera Padi: UPMKB AgriHub@Gedong ini merupakan antara aktiviti yang dilaksanakan sepanjang Mei ini,"

katanya.

Antara modul yang dilaksanakan dalam program itu adalah Pustakawan cilik, Sesi bercerita 'Dengarlah sayang', Babyshark Dance, Sesi DIY, Demonstrasi Dron dan lawatan sekitar kampus.

"Antara objektif penganjuran adalah untuk mendedahkan peserta cilik yang terlibat kepada ilmu kepustakawanan.

"Di samping itu, ia dapat memberi peluang kepada komuniti untuk mendekati institusi pengajian tinggi yang mana program ini juga adalah salah satu inisiatif untuk menggalakkan dan memupuk budaya cintakan ilmu bermula dari usia kanak-kanak," ujar kenyataan itu.



AKTIF... Kanak-kanak dari tiga sekolah Tadika di sekitar Bintulu menyertai Program 'Juh ke Sitok' yang diadakan di Perpustakaan UPMKB, baru-baru ini.